

UN

POCO

DI TUR COS

Jossy Mansur

André de l'Allemagne: "Colonialismo ta reduci e cultura di e pueblo coloniza te na e nivel di folklore y propaganda".

Den mitologia griego, 'Oenona' tabata e ninfa di monte Ida. E tabata e amante di Apolo, kende tabata asina agradeci di dje cu el a concede e don di por adivina futuro. Oenona a casa cu Paris, kende luego a bandone, y adivinando su futuro el a bisa Paris cu e lo ta e ruina di Troya.

Benelux ta e union economico entre Belgica, Luxembourg y Hulanda. E tratado a ser firma dia 2 di December 1958 formando e union economico. El a drenta den vigor dia 1 di November 1960.

E trio di lider cu a participa den e "Tratado di Versailles" tabata Wilson, Presidente di Merca, Lloyd George, di Inglatera, y Clemenceau, di Francia.

Caredanan di bicicleta ariba un tereno natural ta ser yama "motocross".

Den mundo di deporte, ora cu bo topa cu e terminonan "Sumo" y "Greco Romano", nan ta referi na Lucha Libre.

Paul Newman, un di e gran actornan di Hollywood, ta tambe un conocido coreador di auto di careda.

Laurence J. Peter: "Den e pais di ciegonan, un Rey tuerto ainda por permiti su mes e lujo di comete error".

Un científico italiano, Abiel Betel Revelli a inventa e sub-machine gun y e prome pais pa duna su tropa nan tal arma tabata Italia.

Pasobra biña ta un bebida natural e ta tambe un alimento sano, ya cu e tin mas nutritivo den dje cu mayoria di cuminda. Hecho ta cu hopi ta bisa cu solamente lechi y juice di fruta tin mas factor nutritivo cu biña.

Bo tabata sa cu ijs seco no ta smelt, sino cu e ta simplemente evapora?

Dia 22 di December un terremoto terrible a dal e ciudad capital di Nicaragua, Managua, lagando e ciudad devasta y cu mas di 12000 morto.

For di India, nutmeg y clabo (especie), cu ta especienan nativo di e islanan Moluco (tambe yama Islanan di Especie) a ser hiba China. Un tradicion ta bisa cu den siglo 3 Prome cu Cristo, esnan perteneciente na e Corte di e Emperador mester a cana cu clabo den nan bocanan pa alivia nan aliento pa e no hole malo ora cu nan tabata papia cu e emperador. (Awe nos ta usa pasta di diente).

Bhutan ta un nacion situa den e Himalayan. E tin un poblacion calcula na 1.1 millon di hende. Y mester bisa "calcula" pasobra nunca nan a tene un censo na Bhutan.

E seccion mas largo di riel pa trein ta poni ariba e Nullarbor Plain, na Australia. E tin 328 milla di largura sin un solo curva!

Anatole France: "Ta naturaleza humano pa pensa cu sabiduria y actua cu estupidez".

Ora cu bo lesa e siguiente expresion Latin, of un persona referi na dje, corda cu "sic transit gloria mundi" kier meen "asina e gloria di mundo ta pasa".

Jacinto Benavente tabata e prome autor Spaño pa gana e Premio Nobel di Literatura (na 1922).

PPA TA LAMENTA KIEBRO DI BLOKE ARUBANO

ORANJESTAD(AAN)— Den un declaracion ricibi di Benny Nisbet for di Hulanda, ta wordo treci dilanti cu tempo cu e delegacion Arubano a regresa di Mesa Redonda, dos partido a elogia e acuerdo, mientras PPA a bisa cu nan ta acepta cu sentimento mixto, pasobra Aruba a pone mucho awa den biña.

PPA a bisa bon cla cu articulo 2 no tabata duna e garantia necesario encuanto un conferencia di evaluacion si acaso cosnan malo resulta den futuro cercano y cu nos lo por sali for di e fecha di independencia y pospone.

Posponimento di e fecha aki manera acorda na Hulanda ta posible solamente si tin un desarojo den Antillas di Cinco y e desarojo pone Antillas di Cinco tambe kier bira independiente, e ora ey ta pidi Aruba pa warda un rato pa por sincroniza e dos independencianan, manera Benny Nisbet a bisa.

E declaracion di parti di e lider di PPA ta sigui bisa cu mientrastanto na Hulanda representantenan na Hulanda conjuntamente a entrega un amienda, pidiendo pa hinca den ley un interpretacion mas amplio di articulo dos di RTC.

Esaki pa motibo cu tur representante a reconoce cu loke a wordo acorda na RTC no ta suficiente y no ta duna garantia pa comunidad Arubano, especialmente si situacion econo-

mico ta malo, pa sali di e rumbo di independencia y wante un poco mas.

Mientrastanto Parlamentarionan Hulandes no a keda contento cu cambionan proponi den e ley y a expresa esey.

Lamentablemente, segun Nisbet, envez cu Aruba a keda para conjuntamente ariba un linea, Betico Croes y Guillermo Trinidad a sucumbi pa presion Hulandes y a hala aden nan firma for di e cambio di ley. E ora Betico Croes a entrega un cambio di ley poniendo textualmente loke ta para den articulo 2 di concenso di RTC.

Hulandesnan, sinembargo a bisa, cu esey tampoco ta acceptable ta cu no ta bay hinca e comision di evaluacion den e ley y pa di dos e interpretacion cu ta wordo duna na dje Hulanda no ta di acuerdo cu ne.

Nisbet a sigui bisa cu ora cu Betico Croes y Guillermo Trinidad a laga e Union Arubano na caya, Mito Croes, Bob Lopez Henriquez y Nisbet mes a dicidi di entrega otro amienda cu e mes texto di e promer, cu no tabata acceptable pa Parlamento Hulandes, pero cu e firmantenan kier pa bay den historia cu Parlamento Hulandes a nenga un deseo cu ta wordo carga pa henter Pueblo Arubano.

Mientrastanto,

Parlamentarionan a bisa cu nan no ta acepta e amienda nobo di Betico Croes y e ora Croes, segun Nisbet a pidi pa por favor acepta den un mocion loke ta para den articulo 2 di e conclusionnan di RTC.

Un mocion ta nada mas ni nada menos cu un deseo y e parlamento cu den e caso aki ta esun cu ta legalisa, esun cu por pone e garantia den ley ta rechaze esey. Nisbet a sigui bisa cu mientras e texto den ley no ta nada otro cu loke a wordo acorda den RTC di 1983, el a wordo rechaza.

Segun Nisbet, Betico Croes lo ta preparando pa den caso cu e mocion keda acepta gaña e Pueblo Arubano cu e comision di evaluacion ta un posibilidad pa sali for di independencia si e situacion ta malo.

Esaki no ta e caso, y mescos cu den pasado, Betico Croes a laga interesnan Arubano cay y bay para banda di e Hulandesnan, segun Nisbet.


PA ULTIMO
VIDEO FILMS

TV - VIDEO
REPAIR

PIEDRA
PLAT
ENTERPRISES

Wilhelminastr. 115

TEL: 27733



Pa Maxima Proteccion
Servicio y PAGAMENTO Rapido
Segura Cu.



THE NEW INDIA ASS. CO., LTD.

Paardenbaaistraat. 8 Tel: 24835 - 25683

Agente General

CH. H. RAGHUNATH

CORDA BON

SEGURO DI AUTO TA OBLIGATORIO

